

**SAK 18/25      ÅRSMELDING 2024****Saksopplysning:**

Årsmelding 2024 for Regionrådet for Hallingdal er lagt ved som eige vedlegg.

Framsida er AI generert og midlertidig. Det blir med dette lyst ut konkurranse om å lage beste framside

**Forslag til vedtak:**

Regionrådet rår Hallingtinget til å godkjenne årsmeldinga for 2023.

Hallingdal, 15. mars 2025

Jan Olav Helling  
Dagleg leiar

Vedlegg: Årsmelding 2024

# REGIONRÅDET FOR HALLINGDAL

## ÅRSMELDING 2024





## 1. INNLEIING

REGIONRÅDET FOR HALLINGDAL er eit politisk samarbeids- og interesseorgan for dei seks kommunane i Hallingdal. Regionrådet arbeider for å utvikle regionen og samarbeidet på tvers av kommunegrensene med særleg vekt på næringsetablering og arbeidsplassar, tilflytting og rekruttering, samferdsel, breibandutbygging og utdanning.

Alle referat og saker ligg på [www.regionraadet.no](http://www.regionraadet.no).

## 2. ORGANISERING OG LEIING

Hallingtinget er det øvste formelle organet i Regionrådet: Her møter 5 representantar frå kvar kommune, inkludert ordførar og varaordførar. Kommunedirektørane er med på alle møte i Hallingting og Regionråd, med tale- og forslagsrett. I tillegg er Buskerud fylkeskommune representert med to politikarar og ein frå administrasjonen.



*Regionrådet for Hallingdal 2023-2027*

### Regionrådet sin administrasjon i 2024

Dagleg leiar:

Regionalutviklar:

Klimakoordinator

Prosjektleiar Sirkulærøkonomi

Prosjektleiar Sats på Hallingdal

Prosjektleiar Reine elver

Dagleg leiar etablerersenteret

Jan Olav Helling

Jorun Utne

Guro Veslehaug

Annette Flaten

Maria Grevsgård

Margit Kristine Berg

Erik Paule

Etter kommunevalet 2023, vart desse valt inn i Hallingtinget

Solveig Vestenfor er rådsordførar for perioden og Merete Gandrud er varaordførar.

| Hol                               | Ål                               | Gol                                      | Hemsedal                      | Nesbyen                         | Flå                              |
|-----------------------------------|----------------------------------|------------------------------------------|-------------------------------|---------------------------------|----------------------------------|
| Sigrid Simensen<br>Ilsøy ordførar | Solveig<br>Vestenfor<br>ordførar | Heidi Granli<br>ordførar                 | Pål Rørby<br>ordførar         | Anne Kari Eriksen<br>ordførar   | Merete H.<br>Gandrud<br>ordførar |
| Sissel Hovland<br>varaordførar    | Jørund Li<br>varaordførar        | Tom Rune S<br>Blakkestad<br>varaordførar | Janne Brøndbo<br>varaordførar | Kristian Noreng<br>varaordførar | Tor Egil Buøen<br>varaordførar   |
| Guri T.<br>Sletteemoen            | Dagfinn<br>Bøygard               | Kristin Bakke<br>Haugen                  | Hege E. Falck-<br>Andersen    | Geir Olav Garthus               | Steinar Andre<br>Steinarsson     |
| Hanne B.<br>Haatuft               | Torhild Helling<br>Bergaplass    | Leif Norhaug                             | Richard<br>Taraldsen          | Øyvind<br>Frekeplass            | Karen Johanne<br>Gulsvik         |
| Henning<br>Solhaug                | Ola Terje<br>Oleivsgard          | Jan Kattenberg                           | Inge Berthram<br>Wahl         | Anne Marie<br>Kollhus           | Kristin<br>Gullingsrud           |

### 3. MØTER OG SAKER I 2024

Hallingtinget: Eit dagsmøte og eit todagarsmøte. 15 saker vart handsama.

Regionrådet: 8 møter. 79 saker vart handsama

**Her er nokre av sakene det har vore jobba med i 2024:**



#### UTDANNING

Regionrådet har i fleire år hatt ei klar målsetting om å bidra til fleire utdanningsplassar i Hallingdal både når det gjeld vidaregåande utdanning og høgare utdanningsplassar. I 2024 har det skjedd mye på dette område – både på godt og vondt. Den største enkelthendinga er nok etableringa av Campus Hallingdal.



Den 21. august 2024 var det høgtideleg opning av Campus Hallingdal med 60 studentar ordførarar, fylkesordførar og rektor, USN tilsette og 100 gjester til stades. I tillegg til aktiviteten studiestaden på Gol Har USN tilbod om sjukepleieutdanning på Torpomoen. Intensjonen er å utvikle tilbodet med fleire studieplassar og fleire studieretningar i åra framover. Utdanningsssenter Geilo (USG) er framleis aktive og tilbyr studiar i bedriftsøkonomi ulike

leiarutdanningar og fagskuleutdanningar.



Når det gjeld VGS i Hallingdal var både skuler og lineval truga under fylket sin budsjettprosess i haust. Regionrådet engasjerte seg kraftig for å redde idrettslina på Gol VGS og med industri- og teknologilina på Ål VGS



Trainee Hallingdal er ei t nystarta trainee-program for Hallingdal. Initiativet og pådrivarane bak er Regionrådet v/ Sats på Hallingdal i tett samarbeid med lokalt næringsliv og Hallingdal Næringshage. Trainee Hallingdal har til hensikt å skape unike karrieremoglegheiter for unge folk i Hallingdal, slik at Hallingdal blir ein attraktiv bu- og arbeidsregion. Ordninga starta hausten 24 med 6 unge traineeear som hadde kjempa om plassane blant 70 søkjarar. Sjå meir på

[Trainee Hallingdal - Trainee Hallingdal](#)



**Kvinnegnist** er eit nettverk for kvinner i Hallingdal, skapt for å tenne engasjement, styrke kompetanse og bygge relasjonar. Målet er at engasjerte kvinner kan dele erfaringar, utvikle seg fagleg og inspirere kvarandre til å ta plass i næringslivet. Bakgrunnen for Kvinnegnist var ubalanse i næringslivet i

regionen der berre 10 prosent av daglege leiarar i dei 50 største selskapa i dalen var kvinner og heile 94 prosent av styreleiarane var menn. Med støtte frå næringslivet og sterke initiativtakarar vart Kvinnegnist stifta 8. mars 2024, med over 150 frammøtte.

Sjå meir: [Kvinnegnist – Kvinnenettverk i Hallingdal](#)





## REGIONPLAN FOR HALLINGDAL

I oktober vedtok Hallingtinget ny Regionplan for Hallingdal. Planen er ein overordna plan som tek for seg dei utfordringane regionen står overfor og som gir retning på det regionale utviklingsarbeidet fram mot 2028. Planen skisserer satsingsområde og strategiar for å nå måla, og er konkret på kva me ønskjer å oppnå når planen er gjennomført.

## SAMFERDSEL

Arbeidet for betre veg og bane i og til Hallingdal, er alltid ei prioritert oppgåve for Regionrådet. I januar hadde me besøk frå transportkomiteen på Stortinget. Samferdselsutvalet i Hallingdal var med komiteen ein heil dag. Etter det vorte mykje påverknadsarbeid frå både Regionrådet samla, frå enkeltpolitikarar, eller gjennom samarbeidspartar som Forum nye Bergensbanen, Ringhallalliansen eller ringeriksregionen. Gjennom innspelsmøte, og høyringsuttaler og har dette vore Hallingdal si klare prioritering:



1. At det blir løyvd midlar til oppstart av fellesprosjektet Ringeriksbanen og E16 frå Skaret - Hønefoss i første halvdel av NTP 2025-2036.
2. At det kjem statlege midlar til Vegpakke Hallingdal (Ørgenvika – Gol) i første halvdel av NTP
3. At regulariteten på fjellovergane aust – vest (Rv7 og Rv52) blir vesentleg betra

Resultatet av påverknaden var at FRE 16 framleis er inne i NTP og at vegpakke Hallingdal ligg inne i første del, men utan løyving. Det betyr vidare jobbing mot RNB 2025



### Bu - og blilyst Hallingdal

Bulystprogrammet i Hallingdal, støtta av fylkeskommunen, Husbanken og Sats på Hallingdal har pågått i heile 2024 og har fokus på **Bustadutvikling - Trivsel og tilhøyrighet – Attraksjonskraft**

Eit spennande rekrutteringstiltak vart gjennomført i april då ein gjeng hallingar frå kommunar, Regionråd og næringsliv reiste til Nederland på Emigration Expo. Dette er ei messe for Nederlandarar som ønskjer å flytte til eit anna land. Resultatet av deltakinga er om lag 30 interesserte og 10



nederlendarar som har flytta.



Bærekraft  
**HALLINGDAL**

#### **Bærekraft Hallingdal**

Det overordna målet er å bidra til reduserte utslepp av klimagassar og ei berekraftig forvaltning av naturressursar.

Berekraftsbegrepet dekkjer både klima, naturmangfald, sosiale forhold og økonomi. Vidare arbeider me for at Hallingdal skal tilpasse seg eit endra klima.

#### **Hovudaktivitetar i 2024**

Den mest omfattande og ressurskrevande oppgåva i 2024 var *Regional plan for klima, natur og klimatilpassing med handlingsplan*. For å sikre fagleg tyngde er planen basert på ein grundig gjennomgang av fagstoff på tvers av mange temaområder. Forankring og innspel frå ulike aktørar har vore en viktig del av prosessen, og det er gjennomført:

- 47 informasjons- og innspelsmøte
- Fleire arrangement, inkludert workshops, fagseminar og folkemøte
- Regionale etatsmøter for å dele erfaringar, kunnskap og løfte felles utfordringar

I tillegg har det vorte utarbeid klimasatssøknadar som har vorte innvilga:


- 2,4 millionar kroner til prosjekter med mål om å redusere klimagassutslepp
- 450 000 kroner til kartlegging av areal for karbonopptak og -lagring

For å styrke kunnskapsformidling og engasjementet rundt berekraftige løysningar har me etablert nettsida «*Bærekraft Hallingdal*» Denne fungerer som ein plattform for deling av informasjon og gode eksempel.

Prosjektet Berekraftig Reisemål er i full gong. Der er 1. år av remerkingsprosessen for Nesbyen, Gol, Hemsedal og Ål gjennomført. I tillegg er det rydda fleire 10-tals kilometer elvebreidd i prosjektet «Reine elver» som vart avslutta 31. desember.

**Hallingdal Etablerersenter** vart etablert i 2002, og har vore vertskommuneorganisert på Gol fram til i 2024 då det vart overflytta til Regionrådet. Hallingdal Etablerersenteret gir uavhengig og gratis rettleiing til personar i Hallingdal som:

- vil starte eigen forretningsverksemd
- søker råd om finansiering og forretningsplan i etableringsfasen
- ynskjer å vidareutvikle eigen forretningside
- søker kontakt med andre gründarar eller andre næringslivsaktørar (nettverk)
- treng råd og tips om nyetablert verksemd.



**HALLINGDAL**  
Etablerersenter

Etablerersenteret hadde 90 prosjekt innom i 2024, med ein kvinnedel på 43%. Tabellen under viser tal på prosjekt og fordeling på kommune og år.

|      | Hol | Ål | Gol | Hemsedal | Nesbyen | Flå | totalt |
|------|-----|----|-----|----------|---------|-----|--------|
| 2024 | 15  | 28 | 18  | 18       | 9       | 2   | 90     |
| 2023 | 14  | 23 | 17  | 10       | 19      | 6   | 89     |
| 2022 | 15  | 16 | 13  | 7        | 5       | 2   | 58     |
| 2021 | 13  | 18 | 12  | 20       | 4       | 3   | 70     |
| 2020 | 11  | 14 | 13  | 28       | 9       | 5   | 80     |

#### 4. VERV

##### Vedtak:

For valperioden 2023 – 2027, er disse valt:

| FORA/TILTAK                                    | MEDLEM                                                                                                           | VARA                                                                                                   |
|------------------------------------------------|------------------------------------------------------------------------------------------------------------------|--------------------------------------------------------------------------------------------------------|
| Rådet til Fjellnettverket                      | Solveig Vestenfor<br>Pål Rørby                                                                                   | Heidi Granli<br>Anne Kari Eriksen                                                                      |
| Styre for Hallingdal Næringshage               | Sigrid S. Ilsøy                                                                                                  | Pål Rørby                                                                                              |
| Fagrådet i Hallingdal Etablerersenter          | Pål Rørby                                                                                                        | Sigrid S. Ilsøy                                                                                        |
| Styre Forum Nye Bergensbanen                   | Solveig Vestenfor                                                                                                | Heidi Granli                                                                                           |
| Representant til SLT                           | Merete Gandrud<br>Anne Kari Eriksen<br>Sigrid S. Ilsøy (leiar)<br>Hege Mørk<br>Karsten Dideriksen<br>Ola Frogner | Odd Egil Stavn<br>Anders Halland<br>Ole Johnny Stavn<br>Heidi Granli<br>Solveig Vestenfor<br>Pål Rørby |
| Styre for Hallingdal Folkehøgskule             | Merete Gandrud                                                                                                   | Anne Kari Eriksen                                                                                      |
| Styre IS Rv7                                   | Tor Egil Buøen                                                                                                   | Avviklast                                                                                              |
| Arbeidsutval Forum Nye Bergensbanen            | Jan Olav Helling                                                                                                 |                                                                                                        |
| Arbeidsutval Fjellnettverket                   | Jan Olav Helling                                                                                                 |                                                                                                        |
| UngInvest AIB avdeling Hallingdal              | Anne Kari Eriksen                                                                                                | Merete Gandrud                                                                                         |
| Samferdselsutvalet                             | Solveig Vestenfor                                                                                                | Heidi Granli                                                                                           |
| Operativt arbeidsutval innan samferdsel for RR | Petter Rukke<br>Tor Egil Buøen<br>Tom Rune Blakkestad<br>Ole Johnny Stavn<br>Jan Olav Helling                    |                                                                                                        |
| Styret i Sats på Hallingdal                    | Solveig Vestenfor<br>Pål Rørby                                                                                   |                                                                                                        |
| Styringsgruppe Campus Hallingdal               | Heidi Granli<br>Pål Rørby<br>Jan Olav Helling<br>Karsten Dideriksen                                              |                                                                                                        |
| Leiar Vassområde Hallingdal                    | Anne Kari Eriksen                                                                                                |                                                                                                        |



|                                    |                       |                 |
|------------------------------------|-----------------------|-----------------|
| Leiar Hallingdal brann og redning  | Pål Rørby             | Merete Gandrud  |
| Leiar Hallingdal Renovasjon        | Sigrid S. Ilsøy       |                 |
| Kontaktperson Vidju Holding        | Heidi Granli          | Sigrid S. Ilsøy |
| Kontaktperson Hallinghelse         | Merete Gandrud        | Heidi Granli    |
| Kontaktperson VINN AS              | Sigrid S. Ilsøy       | Heidi Granli    |
| Kontaktperson Ungt entreprenørskap | Tom Rune S Blakkestad |                 |

## 5. ØKONOMI

Rekneskapen til Regionrådet for 2024 viser eit mindreforbruk på drifta med kr. 872 774.

Disposisjonsfondet vart redusert frå kr. 386 609,23 i ved utgangen av 2023 til kr. 1 474 323,47 ved utgangen av 2024.

## 6. OPPSUMMERING OG FRAMTIDUTSIKTER

I 2024 hadde Hallingdal svak nedgang i folketal for første gong på nokre år. Det er ingen dramatikkk knytt til dette , men det minner oss på at me framleis må jobbe godt for å tiltrekke oss nye innbyggjarar og nye arbeidstakarar. Bulystarbeid og næringsutvikling må sjåast i samanheng, og her har Hallingdal utvikla seg godt dei siste åra. Hallingdal har framleis høg bustadattraktivitet og me klarar oss framleis svært bra samanlikna med andre distriktsregionar.

Trendane i næringslivet i Hallingdal har ikkje endra seg mykje det siste året. Det er framleis høgt prisnivå og høg rente og det er framleis mindre byggeaktivitet enn før, mens turistnæring og handelsnæring har relativt gode dagar. Me er nesten ferdige med omstillingsprosjektet vårt, Sats på Hallingdal, som har vore ei ekstraordinær næringslivssatsing i 3 år. Resultatet av programmet, når det gjeld arbeidsplassar, vil kanskje ikkje vera klart før om eit år eller to, men nokre konklusjonar er klare. Kommunane bør ikkje trappe ned stimuleringa av næringslivet. Ein må heller, saman med etablartenesta, næringshagen, Sats på Hallingdal og andre aktørar, bidra til at næringslivet blømer. Summen av alle gode krefter gir eit måltall på om næringslivet lukkast, om nyetablering skjer, og om lønsemda aukar

«Kampen om arbeidskrafta» er framleis gjeldande og kampen for å endre utanforskap til innanforskap, har kome eit steg vidare. KI – laben i Hemsedal er eit godt og spennande eksempel på kva ein kan gjera lokalt på dette området om ein tenker utradisjonelt og gjer dei rette grepa med tanke på organisering og samarbeid.

Regionrådet si satsing på skule, utdanning og kompetanse ser ut til å vere ein suksess. Campus Hallingdal starta opp med 60 studentar hausten 2024, og er i gong med å planlegge utviding av tilbodet. USG har fleire studieløp i gong på Geilo, og både USG og USN har høgare utdannings- tilbod på Torpomoen. Det å få eit Campus til dalen gjer at me i mye større grad enn før kan drive samfunnsutvikling der det offentlege, næringsliv og akademia jobbar saman. Campus Hallingdal kan bli ein utviklingsarena for kunnskaps- og kompetanseutvikling til beste for både regionen og universitetet.

Når det gjeld vidaregåande skular, må både næringsliv, skulen sjølv og det offentlege dra i same retning for å behalde og vidareutvikle tilbodet ved VGS. Dette er viktig både for å halde ungdom i dalen og for å dekke behovet for arbeidskraft både i det i offentleg og i privat sektor.

På Samferdselsområdet blir det jobba bra i Hallingdal sjølv om utviklinga går sakte og av og til i feil retning. FRE 16 ligg inne i NTP utan løyving. Det er høgst usikkert kvar denne saka endar som her må det jobbast knallhardt mot RNB og statsbudsjett. Vegpakke Hallingdal Ørgenvika - Gulsvik, samt strekningsvise utbetring av Rv 7 og RV 52 inkl. fjellovergangane ligg inne, så her er arbeidet med å sikre oppstartsløyving i full gong. Kollektivtransporten i dalen er også under press og har vore kutta med 45 mill. i Buskerud. Resultatet er at med får behalde Hallingbussen, men må tåle rutekutt på ca. 12% på dei interne bussrutene. Dette vil ramme Reisande, spesielt ungdom og klima. Derfor må me fortsette å jobbe med

alternative løysingar for kollektivtransport i distrikt.

Hallingdal har over år vist at samarbeid, kreativitet og offensiv tenking er eit godt grunnlag for ei positiv utvikling. Me er landets største reiselivsregion, det skjer spennande ting i industrien og på utdanningssida. I tillegg satsar me stort på klima og berekraft gjennom bærekraft Hallingdal Målet er lågare utslepp, redusert forbruk og ein grønare dal. Saman med dei andre satsingane og «folka» i dalen gir alt dette nokre moglegheiter som kan bidra til å skape attraktive lokalsamfunn som nye innbyggjarar vil koma til, der folk trivast og der ein har spennande og varierte arbeidsplassar og fritidstilbod.

Hallingdal 15. april 2024

Jan Olav Helling  
Dagleg leiar i regionrådet